

**Otvorena  
rekonstruisana  
pisarnica u  
Opštinskom  
sudu u Sarajevu**

# Sva odjeljenja na jednom mjestu

FOTO: M. UGLJEŠA



U pisarnici zaposleno 60 ljudi

Nemina VOLODER

Pisarnica u Opštinskom sudu u Sarajevu jučer je počela s radom, a nakon rekonstrukcije obuhvata sva odjeljenja na jednom mjestu, koja su ranije bila odvojena i na različitim spratovima.

Goran Salihović, predsjednik Opštinskog suda u Sarajevu, naglasio je da će građani sada imati adekvatan i pristupačan prostor.

**"Ova pisarnica će** zadovoljiti sve potrebe građana. Ovdje mogu dobiti informacije kada će biti suđenje, kada je zakazan datum ročišta, izvaditi sva potrebna uvjerenja i presude. Uredene su posebne prostorije za arhivu, koje su nam uvi-

jek predstavljale problem jer imamo oko milion predmeta koje čuvamo u arhivi, kazao je Salihović.

Objesnio je da u Sudu samo oko 10 odsto predmeta obrađuju starim, manualnim načinom rada, dok sve ostale podatke elektronski unose.

"Ovdje je zaposleno oko 60 ljudi. Dnevno možemo primiti od 6.000 do

**■ Dnevno možemo primiti od 6.000 do 7.000 građana i pokrивamo cijeli kanton, rekao Salihović**

7.000 građana, što je oko 1.900.000 godišnje, čime pokrивamo cijeli kanton. Smatramo da će ovo uveliko smanjiti gužve", rekao je Salihović, najavivši da je u planu izgradnja sličnog pulta u Zemljišnoknjižno uredu, gdje se stvaraju najveći redovi.

**Planirano je da** rekonstrukcija

zgrade Opštinskog suda traje još godinu. Vrijednost radova je šest miliona KM, a sredstva su obezbijedili Evropska komisija, Vlada Norveške, Svjetska banka i Vlada Kantona Sarajevo.

**Planirano da rekonstrukcija zgrade Opštinskog suda traje još godinu**

"Nakon rekonstrukcije dobit ćemo 14 novih sudnica, a bit će napravljeni i poseban ulaz i lift za invalide. Sudnicu 'Gavrilo Princip' namjeravamo restaurirati, kao i lift koji je star oko 90 godina", rekao je Salihović, istaknuvši da zgradu renoviraju po uzoru na zgradu Vrhovnog suda u Austriji.